



Pou Piblikasyon Imedya: 05/03/2021

GOUVÈNÈ ANDREW M. CUOMO

## GOUVÈNÈ CUOMO ANONSE YON REKÒ WO KI DEPASE 183 MIL DÒZ VAKSEN COVID-19 KI ADMINISTRE NAN 24 ÈDTAN

*Jiskaprezan, New York te administre plis pase 5 milyon dòz; Plis pase 800 mil te administre atravè sit vaksinasyon an mas Eta a jere yo*

*Jiska 11AM jodi a, founisè New York yo te administre 95% nan premye dòz yo*

*[Tablodò Vaksen an](#) pral ajou chak jou pou bay mizajou sou pwogam vaksinasyon eta a; ale sou [ny.gov/vaccinetracker](https://ny.gov/vaccinetracker)*

Gouvènè Andrew M. Cuomo te anonse jodi a, yo te administre 183,984 premye ak dezyèm dòz vaksen COVID-19 nan dènye 24 èdtan yo, yon rekò pou Eta a. Anplis, Gouvènè a te anonse 5,143,219 premye ak dezyèm dòz te administre jiskaprezan, 801,993 nan yo te administre pa sit vaksinasyon an mas Eta a jere yo. Jiska 11:00 AM jodi a, founisè New York yo te administre 95 pousan nan premye dòz yo ki te livre jiska prezan yo. Alokasyon Semèn 12 gouvènè federal la nan wout pou livre bay founisè yo pou administre.

"N ap travay san rete pou vaksinen Nouyòkè yo pi rapid epi pi jis ke posib, ak atansyon espesyal pou kominote ki defavorize istorikman yo ki te souffri pi plis pandan pandemi sa", **Gouvènè Cuomo te deklare.** "Gran rezo sit distribisyon nou yo, ki enkli operasyon 24/24 nan kèk kominote yo, ap resevwa deplizanpli vaksen nan bra yo chak jou. Avèk yon vrè patnè nan Mezon Blanch lan, mwen konfyan ke n ap kontinye wè ogmantasyon nan alokasyon pa semèn nou yo e nou rete prè pou akselere efò distribisyon nou yo pi bonè ke posib toutotan n ap resevwa plis dòz."

Anviwon 10 milyon Nouyòkè elijib kounye a pou resevwa vaksen an. Gwo rezo distribisyon ak gran kantite popilasyon moun ki elijib New York yo lajan depase kantite founiti ki soti nan gouvènman federal la. Piske founiti an limite, nou ankouraje Nouyòkè yo pou yo rete pasyan e nou konseye yo pou yo pa prezante nan sit vaksinasyon yo san randevou.

Yo te mete zouti evalyasyon '[Am I Eligible](#)' (Èske Mwen Kalifye) a ajou pou moun ki gen komòbidite ak pwoblèm ki akonpaye yo avèk nouvo randevou yo ki te pibliye sou yon baz kontinyèl pandan semèn k ap vini yo. Nouyòkè yo ka itilize sa ki annapre yo pou montre ke yo kalifye:

- Lèt doktè, oswa
- Enfòmasyon medikal ki pwouve komòbidite a, oswa
- Sètifikasyon ki siyen

Chif pwogram vaksinasyon ki anba yo se pou dòz ki distribye epi livre nan New York pou pwogram vaksinasyon an, epi yo pa genyen ladan yo sa ki rezève pou pwogram Etablisman Swen Alontèm gouvènman federal la. Men yon repatisyon done sou baz kantite ki repòte bay Eta New York a 11 AM jodi a. Apati semèn 9 la, alokasyon total yo genyen kèk dòz vaksen anplis ke nou te redistribye nan pwogram Etablisman Swen Alontèm federal la. Alokasyon total ki anba a genyen ladan l 60 pousan alokasyon semèn 12 la k ap fin distribye bay sit founisè New York yo dimanch.

### **REPATISYON NAN TOUT ETA A**

Premye Dòz yo Resevwa - 3,558,980

Premye Dòz yo Administre - 3,371,537; 95%

Total Dòz yo Resevwa - 5,756,800

Total Dòz yo Administre - 5,143,219

<b>Rejyon</b>	<b>Kantite Dòz yo Resevwa Ototal (1ye ak 2yèm)</b>	<b>Kantite Dòz yo Administre Ototal (1ye ak 2yèm)</b>	<b>% Total Dòz yo Administre/Resevwa (1ye ak 2yèm)</b>
Capital Region	352,715	320,679	90.9%
Central New York	313,095	276,966	88.5%
Finger Lakes	350,410	324,168	92.5%
Long Island	734,325	623,231	84.9%
Mid-Hudson	553,645	468,129	84.6%
Mohawk Valley	171,000	143,296	83.8%
New York City	2,522,165	2,281,199	90.4%
North Country	189,025	174,599	92.4%
Southern Tier	190,745	178,221	93.4%
Western New York	379,675	352,731	92.9%
Nan tout Eta a	5,756,800	5,143,219	89.3%

	<b>1ye dòz yo livre konplètman bay Founisè New York yo</b>	<b>2yèm dòz yo livre konplètman bay Founisè New York</b>	<b>TOTAL</b>	<b>KIMILATIF</b>
<b>Semèn 1</b> Dòz k ap vini nan dat 12/14 - 12/20	163,650	0	163,650	163,650
<b>Semèn 2</b> Dòz k ap vini nan dat 12/21 - 12/27	452,125	0	452,125	615,775
<b>Semèn 3</b> Dòz k ap vini nan dat 12/28 - 01/03	227,395	0	227,395	843,170
<b>Semèn 4</b> Dòz k ap vini nan dat 01/04 - 01/10	239,025	165,150	404,175	1,247,345
<b>Semèn 5</b> Dòz k ap vini nan dat 01/11 - 01/17	221,315	119,925	341,240	1,588,585
<b>Semèn 6</b> Dòz k ap vini nan dat 01/18 - 01/24	250,400	462,395	712,795	2,301,380
<b>Semèn 7</b> Dòz k ap vini nan dat 01/25 - 01/31	260,150	239,525	499,675	2,801,055
<b>Semèn 8</b> Dòz k ap vini nan dat 02/01 - 02/07	321,850	220,720	542,570	3,343,625
<b>Semèn 9</b>	320,000	244,500	564,500	3,908,125

Dòz k ap vini nan dat 02/8 - 02/14				
<b>Semèn 10</b> Dòz k ap vini nan dat 2/15 - 2/21	356,990	265,525	622,515	4,530,640
<b>Semèn 11</b> Dòz k ap vini nan dat 2/22 - 2/28	393,530	305,780	699,310	5,229,950
<b>Semèn 12</b> Dòz k ap vini nan dat 03/01 - 03/07*	352,550	174,295	526,850	5,756,800

\*Chif sa yo reprezante 60 pousan nan alokasyon semèn 12 vaksen Pfizer, Moderna ak Johnson & Johnson yo. Yo prevwa pou alokasyon konplè semèn 12 la rive nan fen jounen dimanch 7 mas la.

Jiskaprezan, founisè New York yo te administre 95 pousan premye dòz ke yo te resevwa nan men gouvènman federal la men akòz repatisyon limite gouvènman federal la, randevou yo te ranpli byen vit. Pou ou detèmine si ou elijib ak pran yon randevou nan yon sit vaksinasyon an mas Eta a jere, ou ka vizite sitwèb ['Èske M Elijib \(Am I Eligible\)'](#) a. Nouyòkè yo kapab rele depatman sante, famasi, doktè, oswa lopital lokal yo pou yo jwenn plis enfòmasyon ak pou yo pwograme randevou yo kote vaksen yo disponib.

[Tablodò pou Swivi Vaksen Kont COVID-19](#) (COVID-19 Vaccine Tracker Dashboard) la disponib pou mete Nouyòkè yo ajou sou distribisyon vaksen COVID-19 la. Depatman Sante (Department of Health, DOH) Eta New York la egzije etablisman k ap bay vaksen yo pou yo rapòte done pou tout vaksen kont COVID-19 yo bay nan yon delè 24 èdtan; done sou kantite vaksen yo bay yo ap ajou chak jou sou tablodò a pou reflekte mezi ki pi ajou yo nan kad efò vaksinasyon Eta a.

Nouyòkè ki sispèk fwod nan pwosesis distribisyon vaksen an ka rele kounye a nan 833-VAX-SCAM (833-829-7226) oswa voye imèl bay Depatman Sante a nan [STOPVAXFRAUD@health.ny.gov](mailto:STOPVAXFRAUD@health.ny.gov). Anplwaye liy ijans yo ap achemine plent yo bay ajans investigasyon ki apwopriye yo pou asire ke Nouyòkè yo pwofite de travay Eta a pou vaksinen tout popilasyon ki kalifye a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)